

SAMSTARFSSAMNINGUR

Akureyrarbær kt. 410169-6229,
og AkureyrarAkadémían kt. 450914-1500
gera með sér svofelldan samstarfssamning

1. gr. Markmið

Markmið samningsins er að styðja við starfsemi AkureyrarAkadémiunnar og þróun þverfaglegs rannsókn- og fræðaseturs á Akureyri.

Jafnframt er markmiðið að styðja við einstaklinga sem vinna að nýsköpunar- og frumkvöðlaverkefnum með því að bjóða þeim upp á vinnuaðstöðu í húsnæði AkureyrarAkadémiunnar.

2. gr. Hlutverk samningsaðila

Tengiliður Akureyrarbæjar vegna samnings þessa er Akureyrarstofa. AkureyrarAkadémían skuldbindur sig til að hafa til reiðu vinnuaðstöðu í húsakynnum sínum fyrir tvo einstaklinga á hverjum tíma. Starfsaðstöðunni fylgir skrifstofuhúsgögn, nettenging, aðgangur að prentara, sameiginlegri aðstöðu eins og fundaherbergi og eldhúsaðstöðu og helstu rekstrarvörum. Réttindi og skyldur einstaklinga eru í samræmi við þá samstarfssamninga sem AkureyrarAkadémían gerir hverju sinni við aðra sem leigja vinnuaðstöðu hjá stofnuninni.

Gert er ráð fyrir að starfsaðstaðan verði auglýst laus til umsóknar til sex mánaða í senn fyrir einstaklinga sem vinna að verkefnum á sviði nýsköpunar eða frumkvöðlastarfs. Starfsaðstaðan er hugsuð sem styrkur til þeirra og verður án endurgjalds fyrir þá. Samningsaðilar munu auglýsa starfsaðstöðuna lausa til umsóknar og setja í sameiningu verklagsreglur um auglýsingar og hvernig verður staðið að vali á þeim einstaklingum sem fá aðstöðu hjá Akadémiunni hverju sinni.

Samningsaðilar hafa með sér fastan samstarfsvettvang þar sem farið er yfir framkvæmd samningsins og önnur atriði sem honum tengjast. Gert er ráð fyrir tveimur samráðsfundum á ári.

3. gr. Framlög og greiðslur

Framlög Akureyrarbæjar til AkureyrarAkadémiunnar á samningstímabilinu verða kr. 420.000 á ári auk árgjalds sem er kr. 2.000 á ári fyrir einn einstakling.

Samningsaðilar munu leggja mat á framlögin í lok fyrsta samningsárs með hliðsjón af þróun verðlagsvístölu og nýtingu.

Framlög Akureyrarbæjar eru greidd í tveimur jöfnum greiðslum á hverju ári sem samningurinn nær til sbr. 7. gr. Fyrri greiðslan greiðist í maí ár hvert og sú seinni í byrjun desember eftir að forstöðumaður Akureyrarstofu hefur fengið í hendur skriflega samantekt stjórnar AkureyrarAkadémiunnar um nýtingu á starfsaðstöðunni og faglega virkni. Leggja skal fram reikninga til að fá framlög greidd. Ef reikningar berast ekki á því ári sem þeir eiga að greiðast, fellur styrkur þess árs niður.

Fjárveitingar eru með fyrirvara um framlög úr bæjarsjóði í fjárhagsáætlun hvers árs.



4. gr. Fjárhagslegar kröfur

Til að tryggja sem best nýtingu og meðferð fjármuna til þeirra verkefna sem í þessum samningi felast skal AkureyrarAkademían m.a. taka mið af eftirfarandi:

- Tryggt skal að bókhald stofnunarinnar sé haldið lögum og reglum samkvæmt.
- Hjá stofnuninni skal starfa eða hún hafi aðgang að fagaðila sem hefur þekkingu og reynslu á sviði rekstrar, fjármálastjórnunar og bókhalds.

5. gr. Upplýsingargjöf og kynning á Akureyrarstofu/Akureyrarbæ sem samstarfsaðila

Nafn og/eða ímyndarmerki Akureyrarbæjar skal sjást í öllu kynningarefni og auglýsingum sem ná til þess verkefnis sem samningurinn kveður á um.

6. gr. Vanefndir

Verði ekki staðið við samninginn af hálfu AkureyrarAkademiunnar áskilur Akureyrarbær sér rétt til þess að endurskoða stuðning sinn við verkefni samningsins og stöðva greiðslur þar til úr hefur verið bætt. Með sama hætti áskilur AkureyrarAkademían sér rétt til að segja sig frá samningnum standi Akureyrarbær ekki við skuldbindingar sínar.

7. gr. Gildistími

Samningurinn gildir frá 1. maí 2024 til 1. maí 2027.


8. gr.


Samningur þessi er gerður í tveimur eintökum og heldur hvor aðili einu eintaki.

Akureyri, 16. maí 2024

f.h. Akureyrarbæjar

Ásthildur Sturludóttir
bæjarstjóri


Vottur

f.h. AkureyrarAkademiunnar

Aðalheiður Steingrimsdóttir
framkvæmdastjóri


Vottur